





Regione Autònoma de Sardigna  
 Regione Autonoma della Sardegna




**PROGETU DE AMPARAU E AVALORAMENTU DE SA LÌNGUA SARDA  
 “SIGHENDI A ATOBIAI E A CONTAI SU SULCIS”  
 BANDU TULIS 2024**



*Is Grebus*




# Is brebus



In su **Sulcis** sighit a s'agatai, impari a is formas religiosas dominatis, **su sacru arcàicu**: cosa spantosa, casi ca in àteras zonas de s'isula est sparèssiu prus o mancu de tres generatzionis. Calinuna ativitadi sighit ma est prus che totu fata a sa cua, cun bregùngia, ca po sa genti est credullèntzia sceti.




# Is brebus



Sa Crèsia puru, po tempus meda, at tentu bideas cuntrastantis: po calincunu predi is brebus funt crièntzias acapiadas a su tiàulu, tanti ca fintzas a pagus annus agoa in sa missa de su domingu ddus cundannànt malamenti; àterus predi fiant prus tollerantis e fadiant ritus puru.

# Is brebus



Si naràt ca finas a sa  
Segunda Gherra Mundiali  
predis e genti de crèsia  
cuncordànt contramarzinas  
e narànt brebus po amparai  
is tallus de brebei de sa  
morti o po ndi sciuidai is  
ballas de is sordaus.

Salvatore Loi, chi at fatu  
stùdius a pitzus de  
s'incuisizioni, at arregortu  
documentus aundi si ligit chi  
is fèminas chi fadiant  
mexina populari dd'as iant  
abbruxiadas (che is bruxas  
de Salem) o si fiant dèpias  
storrai de cussa fidi.



# Is oracionis

---

Costumant a essi pregadorias clàsticas chi si narant a missa o a innantis de papai o de si crocai po pedì gràtzias

# Is brebus

---


Una genia de pregadorias de nai in ocasionis particularis impari a ritualis po sanai su corpus o s'ànima, po torrai a agatai cosa pèrdia o genti sparèssia, po nci stesiai lampus e temporadas malas. Ma puru po ndi tirai s'ogu, po sanai de doloris fìsicus, po fai torrai su lati a is fèminas (a ndi bogai su pieritu).  
Is oracionis fiant pùblicas, is brebus privaus, cun pagu genti (de sòlitu sa sanadora e su chi ndi teniat abbisòngiu).




# Brebu

Sa paràula brebu ndi bennit de su latinu **verbus** chi cun su tempus at cambiau sinnificau. In su sardu medievali boliat nai **fueddu**, e “torrai brebu” boliat nai “arrespundi”.

In su vocabolàriu de Spanu po brebu agataus “**fueddu superstizioso de is bruxas**”. Is brebus funt fatus in rima po chi siat simpli a ddus arregordai; tocat a si fai sa gruxi a innantis de incumentzai o in s’interis de su ritu e a dd’acabbai naredi su Credo.



# Is brebus



Depit essi totu arripitiu po 3 bortas o, chi serbit, po 9 o 12. S'unicu ritu chi previdit unu sacrificiu est cussu po fai benni su fueddu a unu pipiu chi non chistionat: si bocit unu cabonisheddu e a su pipiu ddi

passant sa crogorista in is murrus po tres bortas, sempri fadendi sa gruxi e narendi su Credo. Poita su caboniscu? Est alliongiu meda a sa tradizioni cristiana, difatis Gesù Cristu iat previdiu chi Pedru dd'iat a essi traixu tres bortas a innantis de su cantu de su caboniscu. In su Sulcis a ndi intendi unu cantendi, foras de s'òrariu "normalis", bolit nai ca depit sucedi calincunu arrori e po cussu ddu bocint po si ddu papai.

# Is Grebus



Unu àteru pilloni sìmbolu de arroris est sa stria: chi cantat tres bortas asuba de una domu bolit nai ca calincunu de su bixinau depit morri. Custa paristòria ndi bennit de is tempus de is romanus chi timiant su **Strix**, unu pilloni malu chi papàt sànguini umanu.



# Is brebus



Unu de is brebus prus connotus est su chi si narat po s'amparai de is temporadas malas e de is làmpus:



*Santa Bràbara e Santu Jacu*

*bosu portais is crais de lampu*

*bosu portais is crais de celu*

*non tocheis a fillu allenu*

*ni in domu ni in su sartu*

*Santa Bràbara e Santu Jacu*

Po ndi sciri de prus cuntzillaus su libru **“Is mixinas antigas”** de Efisio Sanna.